

# Landegglerlied

aus: Wolfsbüchlein der Pfadfinderabteilung Landegg, Flawil, um 1968

Text & Melodie von: Edi FÜRER v/o Bombe ?

**C** **G**  
Mer sind e chlini Schar vo junge Lüt,  
**C**  
und recht vil söttigi die brucht's au hüt;  
**G**  
üs Landegg-Pfader, üs kennt mer wit und breit,  
**C**  
denn üsere Wahlspruch, dä heisst: Allzeit bereit!  
**F**  
Mer Landegg-Wölf sind grad und fescht, fescht, fescht, ...  
**C** **G** **C F C** **G** **C**  
denn üseri Loosig heisst jo: üser's Be-e-escht, denn üseri Loosig heisst jo: üser's Besch!

**C** **G**  
Allzeit bereit und wenn's au stürme tuet,  
**C**  
en Landegg-Pfader het en feschte Huet;  
**G**  
Er lauft grad witer und lueget frisch vora,  
**C**  
en frische, frohe Muet, de mues er ebe ha  
**F**  
und blitzt's und donnerert's au fescht, fescht, fescht, ...  
**C** **G** **C F C** **G** **C**  
en Landegg-Wolf tuet wege dem si's Be-e-escht, en Landegg-Wolf tuet wege dem si's Besch!

**C** **G**  
Vom Morge früe bis z'Nacht am Zwölfi schloh,  
**C**  
wönd mer de Heimat zor Verfüegig schtoh,  
**G**  
mer hend's versproche bi üsere Ehr  
**C**  
und was mer versprechet, das haltet au mer.  
**F**  
Es got e kein vom Poschte weg, weg, weg, ...  
**C** **G** **C F C** **G** **C**  
als Pfader und als Wolf vo de Land-e-e-egg, - als Pfader und als Wolf vo de Landegg!

**C** **G**  
Die schönschti Fahne uf de ganze Welt,  
**C**  
die het es wises Chrütz im rote Feld;  
**G**  
drum lebed, kämpfed und sterbed mitenand,  
**C**  
als Landegg-Wolf und Pfader,- för's Schwitzerland,  
**F**  
mit üsem letschte Tropfe Bluet, Bluet, Bluet, ...  
**C** **G** **C F C** **G** **C**  
als Pfader und als Wolf mit frischem Mu-u-uet, - als Pfader und als Wolf mit frischem Muet!